



1. MALIGAMUT NAUNAITKUTAQ

Inuliriyikkut akhuuqtut ikayuriami tiguyauyut nutaqqat ilangillu piyuq uumannga ihariagiyanginnik nakuutqianganillu piurmaniq nutaraq. Una maligaq naunaiqtaa aadlanik pilaarutingit angiqtauyut pigiami ihariagiyanginnik nutaramik inuulrammiilluuniit munariyauyut.

2. ILUMUURUTIGIYANGIT

Una maligaq pihimayuq hapkunanga ilumuurutiyaayunit:

- (a) Havakviat atuqniaqhimayait taapkua Inuit Qauhimayatuqangit pitquhiit taapkunani *Pijitsirniq (payughutik niqighaqhiurutiplugit ilaita taapkualu/uniit nunallaangit), Aajiqatigiingniq (ihumaliurnikkut unipkaarutigiplugu angiqatigiingnikkullu),* taimaalu *Havaqatigiingniq (havaqatigiighutik atauttimut).*
- (b) Munaqtiuyut angayuqqaat Nunavunmi ikayuqpangniaqtait *Inuuqatigiitsiarniq (ihumagittiarniq ahinik, ilagiingniq, munaqhugillu inuit)* taimaa aulapkainahuqhguit ilagiingniit nutaqqat munaqtiillu, ayurnaitpallu, iriniginahuaqhguit ilagiiktut munaqtautillugit.
- (c) Havakviat havaqatiginiaqtait ikayuqtigiiklutik taapkua Nunavut Tunngavikkut Timingat, titiraqhimayutut Ilanga 32-mi Nunavunmi Angirutinit, malighugillu taamna *Iqannaiyaqtigiit.*
- (d) Pinahuarutit ikayuutikhallu tiguyauyunut nutaqqat iluittukhaq ikayuutauyukhaqlu inungnut ilumuurutingit ilitquhingit, uqauhingalu. Pilaarutingit titiraqhimayuq uumani Maligaq piliurhimayuq ikayuriami unainnaungittuq ihariagiyanginnik nutaqqanut munariyauyut, kihimi pihimagiami inungnut kinauyaakhaanik nutaqqanut munariyauyut.
- (e) Tamangnik havaaghait munaqtaghaitalu ilauyut munaqtiuniqmut illiturinnaqtut, havauhiqlu angmaumayuq illiturinnaqhunilu inungnut.
- (f) Munaqtiuyut angayuqqaat munaqtiuvangniat illiturinnaqtumik, aulapkaiplutik, kiuhilutiklu ihariagiyainut Nunavunmiut.
- (g) Tamaita akhuurutingit piliuqtukhaq Inuliriyikkunnit ilitarigiami maniliqinirmut ikayuutikhat piinarialik nutaqqanut munariyauyut quulitqiamik unalu/unaluuniit ayurnaqtut ihariagiyanginnik. Taapkualu ihariagiyaita akiliqtauvaktut taapkuninnga Qutangnaitjutaittut Aanniaqtailiniqmut Ikayuutit (NIHB) taapkualuuniit Kanatami Nutaqqat Hivulliuuyut Havaangit.

Aulapkaidjutinga Ublua:

Iniqvighaat Upluq:

Makpiraakvia 1 | 14



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

3. PITQUYAUHIMAYUT

Una Maligaghaliuqhimayuq atuqtauyughaq taapkuninga:

- Nutaqqat munaqtauyut talvuuna Apiqhuiyikkut taapkualu Munaqhiqiyut Pitquyauhimagut, Munaqtaukaffugiamik Pitquyauhimagut, taimaaluuniit Pamiqtiughaariamik Pitquyauhimagut;
- Inulrammiit (akungani 16-19) malikta tamna Ikayurutit Kivgaqtutit Angirut; tamnalu
- Iniqtilihat (akungani 19-26) malikhugu Uiguyaunia Ikayurutit Angirut.

4. UNNIQTUTIT

Apiqhuiyinit Pitquyauhimagut

Apirhuivikmi Pitquyauyut atuqtauvaktut taimaa nutaraq itkumi akhuurutauyumik qayangnaqniq (naunairhimayuq uumani *Nutaqqat unalu Ilamiknut Ikayuutikhaq Maligaq*), piyauyuq piqarumi pihimmaaqtumik pilihaaqtunik nutaqqanik hapummiutiniqmut ihumaaluutinga. Pingahuuyut Apiqhuiyinit Pitquyauhimagut, Munaqtiqarniqmullu Pitquyauhimagut, Munaqtiukaffugiamik Pitquyauhimagut, Pamiqtiughaariamiklu Pitquyauhimagut.

Nutaraq Munaqtauyug

Nutaraq munaqtauyug munaqtauyulluuniit Aulapkaikyiryuamit Nutaqqanik Inuliyiyillu Ikayuutitut Angirutikkut (Munaqtaukaffugiamik Angirutit, Ikayuutitut Angirutit, Ikayuqtauhimmaariamik Angirutit) talvuunaluuniit Apiqhuiyinit Pitquyauhimagut (Munaqtiqarniqmut Pitquyauhimagut, Munaqtikaffungniqmut Pitquyauhimagut, Pamiqtiughaariamiklu Pitquyauhimagut).

Kivgaqtugaq

Inuk Nunavunmiutaq piyuq Ikayuutikhamut Angirutinganut ukununga Inuliriyikkut, unalu/unaluuniit ilaugumi Inuuliriyiitkunnit Apirhurvikmit Pitquyaugumi. Piyuq uumanga Maligaq, pitquyauniq inungmut imaatut ittuq nutaraq, inuulrammiq, inuuhuktuq, angiqtauyulluuniit nutaqqanik munariyut/ilangit/munaqtiuyulluuniit.

Nunallaarni Inuliyiyit Ikayuqtia (CSSW)

Nunallaarni Inuliyiyit Ikayuqtia (CSSW) munaqtiuyut ikayuqtauyut titiraangutainik parnaiyuplunilu ikayuutitik.

Aulapkaidjutinga Ublua:

Iniqvighaat Upluq:

Makpiraakvia 2 | 14



INULIRIYIKKUT

MUNAQTIUYUT AHIITTUNUT IKAYUQTAUNIRMUT MALIGAGHALIUQHIMAYUQ

Tukimuaqtiuyuq Ilamiknut Nakurudjutinga

Ilauyut uumani Atan'nguyayuyut Munariniqmut Katimayiingit Inuliriyikkunnut. Atan'nguyariyaa uumunnga Tukimuaqtiuyuq Ilamiknut Nakurudjutinga. Tikkuqaqtauyug titiraqhimayumi uumani *Nutaqqat unalu Ilamiknut Ikayuutikhaq Maligaq (CFSA)* kiuyukhaqlu Ministamut Ministaup Tugliatanganullu.

Nunavunmi Tukimuaqtiuyuq Ilamiknut Nakurudjutinga

Tamna Nunavunmi Tukimuaqtiuyuq tikkuqaqtauyug piyunnautinga aulapkaidjutigiami nunavunmi ikayuutingit nutaqqanut munariyayut.

Munarijaujut Inuliqijitkunnit Pamiqhaijit

Angiqtauhimayut munaqtiuyut nutaqqanik munaqtauyunik Aulapkaiyiryuamit Nutaqqanik Inuliqiyillu.

Ilamiknut/Munaqtiuyullu

Ilagiiktut qattanngutigiiqtut angiqtauhimayut munaqtiuyaamik nutaraqnik inulramminikluuniit munaqtauyunik. Munaqtiuyuq ilagiiktughaq taimaaluuniit atatalutik nutaraqmut – taapkuatut, ataattiat, attak ilagiittiaqtulluuniit. Ikayuutighait ilagiiktunik munaqhiyunik aajjikkutariyaat ikayuutait nutaqqat munaqtiuyullu munaqtauyunik.

Mikiunut ihuarharniq

Imaatut ittuq ihuarhaiyuq ihuarhainiqmut himmautikhamulluuniit ittunut tunngavingani. Piqangitkualarluni igluqpak laisinganik ihariagiyayuyug havaktakhamik ihumagiyayuyug mikiumik ihuarharniq.

Akuniraaluk Ihumaliurut Ihivriuqniq Katimayiingit (PPRC)

Ikayuqpaktut ikkuqaqtuivaghutiklu Ilamiknut Nakurudjutinga havaktiinik munaqtittivaktunik nutaqqanik, inulramminik inuuhuktuniklu munaqtauvighainut talvuunalu/uniit ikayuqtinit ikayuutainut angirutinik. Katimayiralaanut katimayit taapkuanguyut Tukimuaqtittiji haffumani Ilamiknut Nakurudjutinga, kivgaqtiuyuq CSSW/Havaktia, ilauyut Aviktuqhimayumi Havaktit, aallallu ikayuqtit ihariagiyaukpata (Ihumaqattiarniqmut Havaktit, Ilihaqviit, RCMP, kitullu)

Avikturhimayumi Tukimuaqtiuyuq Ilamiknut Nakurudjutinga

Ilauyug Angayukhiq Munariniqmut Havaktinik Inuuliriyiitkunnut. Tikkuqaqtauyut avikturhimayumi piyunnautinga titiraqhimayumi uumani *Nutaqqat unalu Ilamiknut Ikayuutikhaq Maligaq (CFSA)*.

Aulapkaidjutinga Ublua:



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

5. ATANIQTUQTUIYUT KIVGAQTUITTIAQTULLU

Maligaliurvikmi Hivuliqtingit

Maligaliurvikmi Hivuliqtingit angirniaqtait pinahuarutimut ihariagiyanginnik unalu/unaluuniit piyaqtauniq uumunnga Maligaq.

6. HAVAAT MUNARIYAKHATLU

Minista

(a) Ministauyuq Inuliriyikkut qauhityughaq Maligaliurvikmi Hivuliqtingit atuqtittivalliyaamik Maligaghaliuqhimagayunik.

Minista Tuglirijaa

(a) Minista Tuglirijaa haffumani Inuliriyikkut kiugiaqattariaqaqtuq uvunga Ministanut aulattittinirnut haffumani Maligaq;

Tukimuaqtiuyuq Ilamiknut Nakurudjutinga

(a) Tukimuaqtiuyuq angiqtaaqtaa piyaqtauniq uumunnga Maligaq, pilaqutingitait maniliqinirmut nampangit kihimi angiqtaukpat Maniliriyyitkut Munariniq Katimayiinginnit (FMB);

(b) Tukimuaqtiuyuq Ilamiknut Nakurudjutinga munariyakhait angiriama akiliutiit kikliqarninnganut maniit uqaqtauyuq uumani maligaq.

Nunavunmi Tukimuaqtiuyuq Ilamiknut Nakurudjutinga

(a) Nunavunmi Tukimuaqtiuyuq Ilamiknut Nakurudjutinga tikkuaqtauyuqluuniit munariyuq ulapiqutinik titiqiqinirmullu angirutingit piyakhanginnut uuminnga Maligaq.

Akuniraaluk Ihumaliurut Ihivriunniq Katimayiingit (PPRC)

Taamna PPRC munaqtiuyughat hanavalliyunik munaqhiyaamilu parnaiyautinik munaqtauyughanut nutaqqanut munaqtauyut Havakvingnit. Taapkua PPRC-kut ihivriunniq uqaqtauniq angiqtaghat avighimagayut akiliqtaghat nutaqqanut munaqtauyut.

Aulapkaidjutinga Ublua:

Iniqvighaat Upluq:

Makpiraakvia 4 | 14



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

7. IHARIAGIYANGIT

Pittaarningga

Ilaunginnarialiutit Maligaghaliuqhimagayunut nutqautilgit taimaa:

- Angiqtauyut tiguyayunut angayuqqaangit unalu angiqtauyut ilamiknit/Munaqtiuyullu nutaqqalgit munariyainnik;
- Nutaqqat munaqtauyut talvuuna Munaqhiquiyut Ikayuutinut Angirutit taapkualu Havakviat Inuliriyikkut;
- Nutaqqat munaqtauyut talvuuna Apiqhuyikkut taapkualu Munaqhiquiyut Pitquyauhimagayut, Munaqtaukaffugiamik Pitquyauhimagayut, taimaaluuniit Pamiqtiughaariamik Pitquyauhimagayut;
- Inulrammiit (akungani 16-19) malikta tamna Ikayurutit Kivgaqtutit Angirut; tamnalun
- Iniqtilihat (akungani 19-26) malikhugu Uiguyaunia Ikayurutit Angirut.

(a) Nutaramik Munaqtiuyuuq Akiliuhia

Tiguyayut nutaqqat munariniq pittaarningga (Naunaitkutinga A-1) tuniyauginnarialik taimaa pigiami aadlamik munariniq ihariagiyannginnik hapkuat malruuyut munariniq:

- 1) Iglumini Munariniq
- 2) Nutaramik Munariniq

Tiguyayut nutaqqat munariniq pittaarningga naunaiqtauyut ukunuuna uqaqatigiikhutik Munaqtiuyuuq Atan'nguyammit unalu angiqtauyut uumannga Akuniraaluk Ihumaliurut Ihivriunniq Katimayiingit (PPRC). Hapkuat akingit, iliuraqtaukpat, ihiriuqtauyut atahiqmi ukiumi qilaminnaqlluuniit ihariagiyaupat inungnit.

Hunavaluit piyayut hapkuninnga:

- Aanuraamik manikhaq tuniyauginnarialik nutaramut inuulrammiilluuniit naunairiami piqaqtumik ihuaqtumiklu aanuraaqtauyuuq.
- Haalitiimut manikhaq tuniyauniaqtuuq tiguyayunut angayuqqaangit niuviriami haalitiitqut aittuutikhaanik nutaramut inuulrammiilluuniit.
- Iliharutimik iniqtiqtuuq manikhaq tuniyauniaqtuuq inuulrammiimut iliharutinginnik iniqtirumiuk angayukhiit iliharvinganik akiliriami

Aulapkaidjutinga Ublua:

Iniqvighaat Upluuq:

Makpiraakvia 5 | 14



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

iliharutimiknik iniqtiqtuq akikhangit itirutikhanginnik, aanuraakhanginnik, iliharutiminik iniqtiqtuq mikiliraqmiaq, piksaliurhimayut iliharutinganik sikuuqatimiknik, hunavalukluuniit.

- Akinga uqaqatigiiktumik ikayuqtauyuuq tuniyauniaqtuq nutaramut inuulrammiilluuniit naunaiqtaukpat ihariagiyaa pigiami ihariagiyanginnik nutaramit inuulrammiilluuniit.
- Akinga iliharutiminik ikayuqtauyuuq akingit tuniyauniaqtuq nutaramut inuulrammiilluuniit naunaiqtaukpat ihariagiyaa pigiami ihariagiyanginnik uumangga nutaraq inuulrammiilluuniit.
- Manik tuniyauniaqtuq ihariagiyayuuq iglup tamayakhanganik hunavalukmikluuniit pigiami.
- Akinga mikkauyunik ihuarhainniq, tamayanik ihuarhainiqluuniit angiqtauniaqtut ukununnga: a) igluniktigiami nutaraq inuulrammiilluuniit timimini ayurhautiqaqtuq aadlalluuniit ihariagiyanginnik pitquyayuuq naunaitkutaqalik taaktimit; b) igluniktigiami nukangit atautimiigiamiknik ahinunngaqtaungillugit; unaluuniit c) pipkaidjutiluni iliurainiq ilaani pilimaittuq.
- Talvani ihumagiyayuuq ulaasiliqiimit, uqaqatigiplugu atan'nguyaminit, tamna nutaraq inuulrammiilluuniit ahiruqtiruuq igluminut, manikhaq angiqtauniaqtuq akiliriami ahiruqtirutinganik.
- Akingas piyuq iliurarumi Inungnut Ilauniq Ihumaliurut angiqtauyut Nunaqaqqaarhimayunut nutaraq inuulrammiilluuniit hapkuat akingit akiliqtaungittut munarininnganut akinganik.
- Aadlat nutaraq inuulrammiilluuniit akingit angiqtauniaqtuq nutaramut inuulrammiilluuniit munariyayuuq naunaiqtaukpat ihariagiyayuuq pigiami ihariagiyanginnik nutaramut inuulrammiilluuniit.

Ilaunngittuq: Nakuuqpiactummik qanuriliurninnga qilamiuqtuqaliqqallu, aadlanik manikhaq angiqtauniaqtuq naunaiyaigumitku, Tukimuaqtiuyumit Ilamiknut Nakurudjutinga, ihariagiyaukpat piyuq uumangga ihariagiyanginnik nutaramit/inuulrammiimit unalu/unaluuniit tiguyayuyut nayuqtamiknit.

Aulapkaidjutinga Ublua:

Iniqvighaata Upluq:

Makpiraakvia 6 | 14



INULIRIYIKKUT

MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

Uuktuffaarutjutiniq:

Ihuigiyaupkat, tiguyauyunut munaqtingit iliurainnarialik ihumaaluutinginnik titiraqluni Tukimuaqtiuyumut Ilamiknut Nakurudjutinga. Tukimuaqtiuyuuq tuniniaqtaa Ministaup Tuglirijaa tamaita ihariagiyauput naunaitkutingit piyuq uumunnga Ministaup Tuglirijaa ihumaliurniaqtaa Ihuigiyauput qanurittaakhaanik. Titiraqhimayuuq kiudjutinga tuniyauniaqtuuq ihuiguutigiyamiknut taimaa 30-nik ublunik tuniyaugumi Tukimuaqtiuyumut.

Ilihimaghat

- Munaqtiuyut angayuqqaat munaqtaghariyaita akiliqtauhimayut ihumagiylugu nutaraq munaqtauyuuq, talvungalu upluq tamaat ihariagiyauput nutaqqam.
- Tiguyauyunut munaqtingit pilimaitait akingit manik utiqtitaaunuuq titiraqhimayumi una Maligaq Itkamtaaksiutinganut tuniyauyuuq Kaanatami Maniliqinirmut Timiqutigiyangit.
- Tamaita iglup tamayangit tamayat pigiyauyut Nunavut Kavamatkunnit.
- Tamaita naunaitkutut hunavaluulluuniit tuniyauyuuq piyauyuqluuniit inukmit, pipkaidjutiyuuq angirutinganik kavamatkunnut, aadlanut hiamitiqtakhaungitait.
- Akiliqtinnagu, tiguyauyunut munaqtingit sainiqniaqtuuq Tiguyauyunik Munaqtiuyut Uuktuutikhangit Titiqqanik, talvani piqaqtuuq havaangit munariyakhangillu tiguyauyunut munaqtingit nakuutqiamut piumaninnga nutarap.
- Ulapiqtaupkat amihumik maniktaramiluuniit, tamna tiguyauyunut munaqtingit naunaipkarniaqtaa CCSW qilamiuqluni manik utiqtitfaarniaqtuuq Inuuliriyyitkunnut 30-nik ublunik naunaipkarumi.
- Nunallaani Ulaasiliqitkut munariyakhait naunairiami tamaita akiliuhiat naunaitkutingit (ukunatatit, maniliurniqmut naunaitkutangit unalu akiliqtakhangit) katitiqtauyut iliuraqtauyuuq tatqirhiunguraikpat.

Kiinauyaliqtit Ihumagiyaunit

- Tamangnik ihuaqtauyut titiraqhimayut talvani *Maniliqiyit Titiraliqiyit Maligait* talvanilu Kavamatkut Nunavunmi Maniliqiyit Titiraliqiyit Makpiraangutainit atuqtauyughat maniliqiniqmut titiraliqiniqmullu tamangnut maniutininik tuniyauhimayut Havakvianit Inuliriyyikku atagut hamna Maligaghaliuqhimaghat.
- Tamaita ihariagiyauput hunavaluit ittut Tiguyauyunik Munariyut Akinga Maligaq Ikayuqtiuyut Akunimut Ikayuutaut Angirutinga Maligaq piniaqtuuq maniliqinirmut titiqqaqinga tamainnut maniiit tuniyauput uumunnga Inuliriyyikku titiraqhimayumi una Maligaq.

Aulapkaidjutinga Ublua:

Iniqvighaat Upluuq:

Makpiraakvia 7 | 14



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

8. KIINAUYATIGUT IKAYUUTIKHAT

Manighautit ihariagiyauyut ataagut hamna Maligaghaliuqhimayuq maliktaghalgit angiqtauyughallu Naatjuhiit Maligaliuqvingmit taimaalu hailiyauhimakpata maniit talvani ihuaqtumi ukiuq tamaat maniktuqtaghainit.

9. PILAARUTINGIT MALIGALIURVIKMI HIVULIQTINGIT

Hunavaluit uumani Maligaq piyauniaqtuq kikliqarumi pilaarutinga Maligaliurvikmi Hivuliqtingit ihumaliuriami qanuriliuriamiluuniit piyuq pilaarutingit tiguyaayunut munaqtingit pinahuarutingit umannga Inuliriyikkut hilataanit ihariagiyanginnik Maligamit.

10. UBLUA NUNGUANI NAKATAQ

Una Maligaq atuqtauliiiaqtuq ublugani sainiutaani taimaaqlunilu Qiqailruq 31, 2025-mi.

Nanngarijaujuq

Aulapkaidjutinga Ublua:

Iniqvighaat Upluq:

Makpiraakvia 8 | 14



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

A-1: Tiguyauyunut munaqtingit Pittaarningga

Tamaita inuit munariyauyut Inuliriyikkunnit piinarialik ikayuutinginnut hunavaluillu ikayuutingit titiraqhimayuq naunaitkutangani hamna ataani ikayuqtut inungnut ihariagiyanginnik piyait ittumi nakuutqamik atuqtauniq maligaliriniqmullu ihumagiyauyuq. Ihuaqtut piinarialik piluqtauyuq munariyauyut pipkaiplugit angirutimik uumannga Iliurainiqmut Ihumaliurut Ihivriuqniq Katimayiingit ihariagiyaukpat pihimagiami nakuutqamut piumaningga tiguyauhimagiut.

- 1) Aanuraakhaminik Manikhaq: Ulaasiliqiyii naunaiyarniaqtaa nutarap aanuraakhanganik ihariagiyanginnik nutaramik inuulrammiilluuniit talvungaugumi munaqtikhanganut, ihariagiyaukpaullu, angiqtaaqtaa atauhiinnarmik iliuraqluni aanuraakhaminik manikhaq \$750mik tuniyauyukhaq ukununnga tiguyauyunut munaqtingit niuviriami ihariagiyanginnik aanuraat ukununnga nutaraq inuulrammiilluuniit. Iliurainiq aanuraakhaminik manikhaq akiliqtauniaqtuq taimaa nutaraq inuulrammiilluuniit nuunahualirumi nutaamut munaqtikhanganut akiliqtaulimaittuq amihunik atauhiqmit taimaa 6-nik tatiqhiutimi kihimi.
 - a. Ulaasiliqiyii munariyakhaa havagiami tiguyauyunut munaqtinginut naunairiami tamna nutaraq inuulrammiilluuniit piqaqtuq aanuranik pihimmaaqaluni, maliklugu ukiunga qanurittumiklu ukiuq.
 - b. Ulaasiliqiyii naunaiqniaqtaa tiguyauyunut munaqtingit tamaita aanuraakhangit (aadlatlu inuup ihariagiyanginnik) piutigiyait nutarap inuulrammiilluuniit piniaqtait nuulirumi munaqtimiknut, taimaaluuniit nutaraq inuulrammiilluuniit nuutkumi nutaamut pinahuarutimut aiffaarumiluuniit angayuqqaaminut. Ulaasiliqiyii piniarahuaqniaqtaa, nakuutqiyauniqmut pittaqtaminut, naunairiami tamaita nutaramik inuulrammiilluuniit tamayangit piniaqtait ahinunngaulirumi.
- 2) Haalitiimut manikhaq: Manikhaq (\$100 atauhiqmut nutaramut) angiqtauniaqtuq ulaasiliqiiimut tuniyukhaq tiguyauyunut munaqtinginnut niuviriami aittuutikhanganik nutaramut inuulrammiilluuniit munaqtikhmunngaukpat
- 3) Iliharutimik iniqtiqtuq manikhaq: Atauhiinnaqmik Iliharutimik iniqtiqtuq manikhaq \$750mik angiqtauniaruknaqhiyuq ulaasiliqiiimut inuulrammiimut taimaa iliharutinginnik iniqtirumiuk angayukhit iliharvinganit akiliqiami iliharutinginnik iniqtiqtuq akikhangit iliharutimiknik iniqtiqtuq akikhangit itirutikhanginnik,

Aulapkaidjutinga Ublua:

Iniqvighaata Upluq:

Makpiraakvia 9 | 14



INULIRIYIKKUT

MUNAQTIUYUT AHIITTUNUT IKAYUQTAUNIRMUT MALIGAGHALIUQHIMAYUQ

aanuraakhanginnik, iliharutiminik iniqtiqtuq mikiliraqmiaq, piksaliurhimayut iliharutinganik sikuuqatimiknik, hunavalukluuniit.

- 4) Uqaqatigiiktumik ikayuqtauyuuq Manikhaakhaq: Taimaa uqaqatigiiktumik ikayuqtauyuuq ihariagiyaukpat nutaramut inuulrammiilluuniit naunairhimayuuq Ihumaliurutimi Nutaramut Munariyauyuuq Qanurittaakhaanik Taiguagakhaq, Ulaasiliqiyii havakniaqtuq angayuqqaaminut unalu tiguyauyunut munaqtingit qinirhiagiami piqaqtuq inungnut uqaqatigiiktumik ikayuqtauyuuq ikayuutingit pigiami nutaraq inuulrammiillu uqaqatigiiktumik ikayuqtauyuuq ihariagiyanginnik. Taimaa inuit uqaqatigiiktumik ikayuqtauyuuq ikayuutingit qinirhiattaupat kihimi pilimaitpata utaqqigumilluuniit pittailiyuuq nutaraq inuulrammiilluuniit pigiami ihariagiyumik ikayuutingit tuullirhimaittumik, kikliqarluni \$500-mik atauhiqmi tatqirhiunmi angiqtauniaruknaqhiyuq inmikkuq uqaqatigiiktumik ikayuqtauyuuq ikayuutingit.
- 5) Iliharutimiknik ikayuqtauyuuq Manikhaakhaq: Talvani iliharutimiknik ikayuqtauyuuq ihariagiyaukpat pitquyauyuuq Munaqtiuyut Ihumaliurutigiyut Havakvinginnit nutaraq inuulrammiillu sikuurvingani, Ulaasiliqiyii naunaiyarniaqtaa qanurittumik ikayuutikhaq ihariagiyauyuuq nakuuyumik pigiami ihariagiyanginnik nutaraq inuulrammiilluuniit (ukunatatit sikuurvikmi iliharutimiknik ikayuqtauyuuq pinahuarut, avaliittumit pipkaidjutauyuuq, iliharutimiknik ikayuqtauyuuq pinahuarut tuniyauyuuq avaliittumit pipkaidjutauyuuq Katimavinga, Homework Havens, kituluuniit). Pigiami nutaraq inuulrammiillu ihariagiyanginnik, kikliqarluni \$175 atauhiqmik Santimik iliharutimiknik ikayuqtauyuuq angiqtauniaruknaqhiyuq. Pittaaqtumik piyuq talvani nutaraq inuulrammiilluuniit ihariagiyuuq amigaitqianik kikliqarninnganik \$175 atauhiqmik Santimik iliharutimiknik ikayuqtauyuuq, aadlamik iliharutimiknik ikayuqtauyuuq ikaarniq angiqtauniaruknaqhiyuq.
- 6) Inungnut Ilaugatauniq Ihumaliurut Manikhaakhaq: Ulaasiliqiyii naunaiyarniaqtaa akinga pigumi iliuraininnganut Inungnut Ilaugatauniq Ihumaliurut (ukunatatit ilamiknut pulaaqtuq, makpiraanik, pinnguuyanik, aanuraanik, ilihaidjutimut quviahuutigiyauyut/hulilukaarniq) akiliqtauyuuq Ihariagiyauyut Tiguyauyunut munaqtingit Akinga. Akingit pipkaidjutauyuuq iliuraininnganut Inungnut Ilaugatauniq Ihumaliurut (ukunatatit hulilukaarut, hunavaluit, pinguyat, aanuraat, nunamikni quviahuutipkaiyut, hunavalukluuniit) angiqtauniaruknaqhiyuq kikliqarluni \$500-mik atauhiq ukiumi.
- 7) Iglup tamayangit hunavaluillu Manikhaakhaq: Tiguyauyunut munaqtingit ihumagiyauyut piqaqtukhaq iglup tamayangit hunavaluillu pigiami qaffinik ukiungalu nutaqqat inuulrammiilluuniit talvunga angiqtauyut. Akinga aadlanik iglup

Aulapkaidjutinga Ublua:

Iniqvighaat Upluq:

Makpiraakvia 10 | 14



INULIRIYIKKUT

MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

tamayangit/hunavaluit ihariagiyaayut tunigiami iliuraininnga nutaramik inuulrammiilluuniit (ukunatitut tiguyayununut munaqtingit angiqtuq piluni nukanginnut kihimi ihariagiyaq malruuknik igliqaqtumik pigiami iliuraininnganik, tiguyayununut munaqtingit angiqtuq pigiami biibiimik ihariagiyaq biibiup iglinganik, hunavalukluniit) angiqtauniaruknaqhiyuq. Tamayat pihimayakhait nutaraq inuulrammiilluuniit, ihariagiyaungitpat qakugu iliuraininnganik angilraffarumiluuniit angayuqqaaminut, tamayat piyakhait Inuuliriyiitkut. Hamna naunaitkutaq tuniyuq kikliqaqtumik akinga atan'nguyaq angiqtakhait ukunanut:

HUNAVALUIT	KIKLINGA AKINGA
Igliq	\$1000
Malruuk Igliq	\$2000
Biibinnuap Nakhaqtuutinga	\$850
Akhaluutimi Ikhivautaq/Aadlamik Ikhivautakhaq	\$400
Biibiup Iliuraqvinga	\$500
Aanuraaqarvik	\$600
Uarhivit/Panirhiivik Aanuraanik	\$5000

- 8) Mikiumik Ihuarhainiq/Tamayangit/Ihuarhainiq Manikhaakhaq: Akinga mikiumik ihuarhainiq, tamayangit unaluuniit ihuarhainiq angiqtauniaruknaqhiyuq: a) tunigiami nutaraq inuulrammiilluuniit timimitigut ayurhautilik aadlanikluuniit ihariagiyaunginnik pitquyayuyuq naunaitkusalik taaktimit; b) tunigiami nukariitkut iliuraqtauyukhat atauttikut ahinunngaqtitaungillugit; unaluuniit c) pipkaidjutigiami iliurainiq ilaani pilimaitpat. Taimaa Ulaasiliqiyii piyuq apirhuqtunit uumannga tiguyayununut munaqtingit mikkainnik ihuarhiyakhat, tamayangit unaluuniit ihuarhainiq, Ulaasiliqiyii uqaqatiginaqtaa atan'nguyamut naunaiyariami apiriyanga ikayuqtauniaqtuq piyuq uumannga pipkaidjutaut mikkainnik ihuarhiyakhat, tamayangit unaluuniit ihuarhainiq kikliqarluni \$1000-mik.
- 9) Ahiruutigiyumut Manikhaakhaq: Ihumagiyaupat ahiruqtiriyuq tamayanganut nutaramit inuulrammiilluuniit, ulaasiliqiyiit naunaiyarniaqtaait qanuraaluk ahiruqtauyuq katitiqlunilu akhuurutaayut naunaitkutangit, qun'ngiarlugu ahiruutigiyuq unalu/unaluuniit uqaqatigilugit tautuktut naunaiyariami tamna nutaraq inuulrammiilluuniit ilanganik tamaalluuniit ahiruutigiyamiknik. Talvani ihumagiyaayuyuq Ulaasiliqiiimit tamna nutaraq inuulrammiilluuniit ilanganik

Aulapkaidjutinga Ublua:

Iniqvighaat Upluq:

Makpiraakvia 11 | 14



INULIRIYIKKUT

MUNAQTIUYUT AHIITTUNUT IKAYUQTAUNIRMUT MALIGAGHALIUQHIMAYUQ

tamaalluuniit ahiruqtitauyuq, akinga ihuarhaininnganik himmautingaluuniit angiqtauniaruknaqhiyuq Tukimuaqtiuyumit kikliqaqtumik \$1000-mik.

- 10) Aadlat Nutaraq inuulrammiilluuniit Ihuaqtut Akingit Manikhaakhag: Aadlat nutaraq inuulrammiilluuniit ihuaqtut akingit angiqtauniaruknaqhiyuq ulaasiliqimmit ihumagiyaukpat ihariagiyuq pigiami ihariagiyanginnik nutaramik inuulrammiilluuniit ilaliutiyuq:

HUNAVALUIT	KIKLINGA AKINGA
Aadlamik niqit akingit nutaramut inuulrammiilluuniit ihariagiyuq niriyakhaminik aaniarutiqarmat piyuq uumannga pitquyauninnga naunaitkotalirihimayuuq taaktimit	\$250/tatqirhiutimi
Makkat igiinarialgilluuniit attaqaanuungit nutaramut avatqumayuq 4-nik ukiunik quinginnaqtuq attaqaaminut	\$200/tatqirhiutimi
Munarhimit ihivriunqig	\$175
Aanuraanut Qiuqutinga	\$200
Ayuittiaqtumit Sikuurvinga piksangit	\$100
Qaritauyannuat tigumiaqtuuqattaqtangilluuniit qaritauyat	\$1200
Baisikungit Nahallu	\$500

Ilitariyauyuq hunavaluk tamayarluuniit pigiami ilitariyauyuq munarhimit unaluuniit ihariagiyanginnik, hapkuat akingit akiliqtaungitpata aadlamik hilataanit ikayuqtiuyuuq (ukunatitut Nunavut Munarhiliriniqmut Ikayuutingit, NIHB, kitkulluuniit) angiqtauniaruknaqhiyuq kikiqaqtumik \$2500-mik atauhiq ukiumi. Hunavaluit qaangiutiyuq akinganik angiqtauniaruknaqhiyuq munariyauyut qanuriliurutingit piplugit.

- 11) Inungnut/Ulapqinirmullu Manikhaakhag: Aittuutit pitquhingittumut inungnut/ulapqinirmullu akingit nutaramut inuulrammiilluuniit munariyauyut akiliqtaaqtaat:

- Ihuarhaqhimayut aanuraat atuqtakhaminiklu;
- itirutikhat inungnut/ulapqinirmullu atuqtuuyaqtunik/qun'ngiaqtittiyunik ahinut nunallaarnit;
- tingmidjutikhat hilataanit Nunavunmit inungnut/ulapqinirmullu hulilukaarutit;

Aulapkaidjutinga Ublua:

Iniqvighaat Upluq:

Makpiraakvia 12 | 14



INULIRIYIKKUT

MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

- d) ilagiyatit tingmidjutikhat ahinut, hulilukaarutit aullaarniqlu;
- e) ublungani havaknaittumiluuniit tingmidjut ahinut nunallaarnit, auyami aullaarniq, sikuurvikmit aullaarniq.

Kikliqaqtumut \$200 atauhiqmut titiraqhimayuuq hamna qaangani unaluuniit \$1000 atauhiq ukiumi atauttimut.

12) Nutaraqmik Munariniq Manikhaakhaq: Nutaraqmik munariniq naunaitkutauyuq ihuarhainiq tunigiami munariyakhaq nutaramik ataani 13-mik ukiunganik, nakuuqpiqaqtumikluuniit qanuriliurninnga nutaramut 13-15 ukiuqaqtunut ikhinnaqtaulimaittut ilitariyaayumik ihariaginiqarmat. Ulaasiliqiyii naunaiyarniaqtaa ihariagiyanginnik nutaraqmik munariniq ikayuutingit munariyaayut pipkaidjutilugit angiqtauniaruknaqhiyuq nutaraqmik munariniq ikayuutingit tiguyayununut munaqtingit talvani:

- a) tiguyayununut munaqtingit ihariagiyuuq nutaraqmik munariniq havaakharnut ilihainiqmutluuniit/havaaminik ayuirhaidjutigiyakhanginniklu; unaluuniit
- b) taakti pitquyaa nutaraq ilaayukhaq nutaqqiqivikmi pigiami ilitariyaayuuq ihariagiyanginnik, pitquyaillu ikayuqtauyuq Ulaasiliqimit unalu Iliurainiqmut Ihumaliurut Ihivriunniq Katimayiingit.

Talvani nutaraqmik munariniq angiqtauyut tunigiami havaamut ilihaidjutikhaqluuniit/havaamut ayuirhainiq uuminnga tiguyayununut munaqtingit, Ulaasiliqiyii piniaqtait atinga, iglunga nampanganiq hivayautingalu havaktimiknut ayuirharvikminulluuniit uumannga tiguyayununut munaqtingit.

Talvani ubluq tamaat nutaraqmik munariniq angiqtauyut, Ulaasiliqiyii havaqatiginiqtaataa tiguyayununut munaqtingit ihuarhigiami iliurainiq nutaramut munariyaayumik nutaraqmik munariniq nutaqqiqarvik unaluuniit munariyaayuuq ilamiknit nutaraqmik munariniq iglunga nakuutqiamik pigiami ihariagiyanginnik nutaramit munaqtinganillu, ihumagiluguakinga akhaluutikkuurutinganik akingit piniaqtut.

Pittaarumi, nukangit munariyauniaqtut aadjikutaanit nutaraqmik munariniq munaqtinganit. Taimaa munaqtingit nanminiriyait nutarangit munariyaugumik-munariyaungittumit nutaraqmik munariniq munaqtiuyut unalu tiguyayununut munaqtingit pilluarumayuq tamaita nutaqqangit munariyaayukhaq aadjikutaanit munaqtiuyumit, inikhaipallu munariyaayumik nutaraqmik munariniq nutaqqiqarvik munariyaayumikluuniit nutaraqmik munariniq iglumini munariyaungittuq nutaraqmik munariniq munaqtinga atuqtaunginnarialik.

Aulapkaidjutinga Ublua:

Iniqvighaat Upluq:

Makpiraakvia 13 | 14



INULIRIYIKKUT MUNAQTUUYUT AHIITTUNUT IKAYUQTAUNIRMUT MALIGAGHALIUQHIMAYUQ

Taimaa tiguyayyunut munaqtingit ilihimangitkumiuk tamna inuk taimaa atauhiqmi ukiumik, piyukhaq malruuknik iilhimamayamiknik ilagingitaanik ilihimayaa nutaqqiqivinga taimaa atauhiqmik ukiumik ikayuriami naunaiyaininnganik taimaa, piyuq uumannga inuup ukiunga, angikliyuumirninnga ayuitaminiklu, tamna nutaqqiqinahuaq piniqtaat ihariagiyanginnik nutaramut tuniluni nakuuyumik munariniq nutaqqiqillaktillugu ihariagiyaukpat.